

QL

Quarta Lingua

Il coronavirus ch'è sa manifestà l'entschatta 2020 en Svizra ha sfurzà la Quarta Lingua (QL) da sputstar l'emprim internamain il termin da la radunanza generala. Silsunter ha ella community à en la brev cun ils documents da votaziun che la radunanza haja lieu ils 10 da settember, ma che las decisiuns vegnian prendidas sin via circulara, sche la situaziun na sa megliereschia betg. Quai è lura era stà il cas ed i n'ha dà naganas elecziuns da renovaziun. Ils 10 da settember ha persuenter gî lieu in'occurrenza online, a la quala David Truttmann, schefredactur da la Fundaziun Medias Rumantschas, ha referì davart il tema «Medias rumantschas – co vinavant, quo vadis?»

Pervi da mesiras da spargn ha la QL midà il 2018 a curta vista sia pratica da contribuziuns ed ha publitgà ina concurrenza dotada cun CHF 10'000.-. Cun quest import vuleva ella possibilitar la realisaziun d'in nov project. Quel dueva intermediar a moda creativa e duraivla la lavur culturala rumantscha en las ulteriuras regiuns linguisticas e/u promover la preschientscha da las Rumantschas e dals Rumantschs da la diaspora en il spazi public. Vers la fin dal 2020 è vegnì tschernì il victur: ils Albierts da giuentetgna svizzers han persvas cun la «Sutga Rumantscha». Questa pultruna multimediala intermediescha dal punct da vista da la QL a moda nunspetgada la lavur culturala rumantscha multifara. Ella permetta a las na-Rumantschas ed als na-Rumantschs da sfundrar en ina lingua plain vita. Il project dals Albierts da giuentetgna svizzers ha ultra da quai persvas la suprastanza da la QL, perquai ch'el permetta da s'avischinar al rumantsch a moda ludica. Pervi dal coronavirus po il premi vegnir surdà pir pli tard.

Per il medem motiv è la suprastanza da la QL sa radunada l'onn da rapport mo ad ina singula seduta fisica, numnadaman per tscherner il victur da la concurrenza. A las sedutas da la Lia Rumantscha (LR) è sa participà Michele Badilatti per e-mail. La radunanza da delegadas e delegads da la LR n'ha betg gî lieu fisicamain; las decisiuns èn vegnidas prendidas sin via circulara.

Presidenta

Petra Camathias
Nathalie Killias
Kaspar Silberschmidt
Ivana Cabalzar
Bettina Vital
Michele Badilatti
Valeria Badilatti